

CROESO
WELCOME
CROESO
WELCOME
CROESO
WELCOME

Eich Canllaw CroesoAber 2024

CROESO
WELCOME



Llongyfarchiadau a chroeso cynnes iawn i chi i Brifysgol Aberystwyth.

Mi ddechreuais i fel Is-Ganghellor ym mis Ionawr 2024, ac mae'n braf eich croesawu i gyd fel y garfan gyntaf o fyfyrwyr yn fy mlwyddyn academiaidd newydd gyntaf. Mae Aber yn arbennig iawn i mi, oherwydd beth amser yn ôl nawr, roeddwn innau hefyd yn fyfyrwr blwyddyn gyntaf nerfus a newydd, ac yn teimlo'n betrusgar am ddechrau pennod newydd yn fy mywyd.

Rwy' wrth fy modd â'r Brifysgol hon, ei staff, ei myfyrwyr a'n holl gefnogwyr. Rwy'n gobeithio y cewch chithau hefyd y profiadau cyfoethog, sy'n newid bywyd, a gefais i. Dyma'ch lle i dyfu'n academiaidd ac yn bersonol, i gyflawni'ch potensial a chreu argraff ar y byd.

Ers i ni gael ein sefydlu ym 1872, mae Aberystwyth yn cael ei hadnabod am ei rhagoriaeth mewn addysgu ac ymchwil. Ein pwyslais yw sicrhau eich bod yn cael addysg ragorol. Cewch eich addysgu gan academyddion sy'n arweinwyr yn eu pwnc a fydd yn rhannu'r syniadau a'r darganfyddiadau diweddaraf yn eu meysydd gyda chi.

Rydym hefyd yn darparu cymorth rhagorol i fyfyrwyr, gyda'r bwriad o sicrhau eich bod yn manteisio i'r eithaf ar eich astudiaethau a'ch amser gyda ni yma yn Aberystwyth.

Cyn bo hir byddwch chi'n ymgartrefu yn eich cynefin newydd, wedi'ch amgylchynu gan bobl newydd, profiadau newydd a llu o gyfleoedd newydd.

Gall newid beri gofid weithiau ond gallwn eich sicrhau bod lle i chi yma yn Aber. Pori drwy'r canllaw hwn yw'r cam cyntaf i ddysgu am bopeth sydd ar gael yma ac wrth i chi ddechrau ymgylchynu â'r Brifysgol, hoffem eich helpu a'ch cefnogi yn eich cyfnod o ymaddasu, ac i chi ddod i adnabod y Brifysgol yn well.

Dymunaf yn dda i chi dros y dyddiau a'r wythnosau cyntaf yn Aber, a gobeithio y caf eich croesawu, wyneb yn wyneb, yn ystod yr wythnos groesawu.

Yr Athro Jon Timmis,
Is-Ganghellor



CaruAber – Ymgartrefu Estynedig

Dyma'ch lle i ddarganfod, i ddysgu ac i ddatblygu.

Wrth i chi ddechrau ymgylchynu â'r brifysgol rydym am eich cefnogi yn ystod eich cyfnod pontio, ac am i chi ddod i adnabod y Brifysgol yn well. Mae themâu ein cyfnod Ymgartrefu Estynedig yn canolbwyntio ar saith prif faes a fydd yn eich galluogi i wneud y gorau o'ch amser gyda ni yn ystod eich cyfnod pontio.

Bydd gennym ddigwyddiadau wedi'u trefnu yn ystod y cyfnod pontio hwn a fydd yn berthnasol i'r gwahanol themâu, o Gymorth a Lles Aber i leithoedd a Gyrfaedd Aber, felly cadwch lygad ar y Cynllun ydd Ymgartrefu.

Darllenwch fwy am ein themâu CaruAber – Ymgartrefu Estynedig o dudalen 6 ymlaen.

Cynnwys

CroesoAber

Rhestr Wirio CyrraeddAber	2
Eich Campws	4

CaruAber – Ymgartrefu Estynedig

Ymgartrefu Aber	6
Astudio Aber	7
Cefnogaeth a Lles Aber	8
leithoedd a Gyrfaedd Aber	10
Amgylchedd a Chynaliadwyedd Aber	11
Sgiliau Aber	12
Cymuned a Diwylliant Aber	13

Rhestr Wirio CyrraeddAber

- Cysylltu â Wi-Fi y Campws
- Ymunwch yn y Digwyddiadau ac yng Ngweithgareddau'r Wythnos Groeso
- Cyfarfod â'ch adran!
- Cwblhau eich Cofrestriad Cwrs
- Ymweld â Ffair y Glas
- Archwilio'r Campws
- Cwblhau'r Hyfforddiant Caniatâd Ar-lein
- Cofrestru gyda Meddyg
- Cofiwch siarad fyny os oes angen cymorth arnoch yn ystod eich cyfnod CyrraeddAber

Mae mynediad i rhestr mwy manwl yma:



1 Cysylltu â Wi-Fi y Campws

Pan gyrhaeddwch y campws gwnewch yn siŵr eich bod yn cysylltu â phrif rwydwaith diwifr y brifysgol, ei enw yw eduroam. Yna gallwch gadw mewn cysylltiad lle bynnag y boch ar y campws.

2 Ymunwch yn y Digwyddiadau ac yng Ngweithgareddau'r Wythnos Groeso

Yn ystod yr Wythnos Groeso trefnir wythnos o ddigwyddiadau a gweithgareddau gan wahanol dimau ar draws y Brifysgol i fyfyrwyr newydd gymryd rhan ynddynt! Bwriad y cyfan yw eich croesawu i'r campws, eich helpu i gynefino, gwneud ffrindiau a chysylltiadau, teimlo'n gartrefol ac ymgysylltu â'r campws.

Dysgu mwy:



3 Cyfarfod â'ch adran!

Mae eich rhaglen Gynefino Academaidd yn gyflwyniad pwysig i'ch cwrs a'ch pwnc cyn i'r gwaith ddechrau. Bydd hyn yn cael ei gynnal dros sawl diwrnod yn ystod eich wythnos groeso. Bydd eich adran wedi cynllunio amrywiaeth o weithgareddau dros yr wythnos a thu hwnt.

Dysgu mwy:



4 Cwblhau eich Cofrestriad Cwrs

Cofiwch, cyn y gellir eich ystyried yn fyfyrwr amser llawn neu ran-amser ym Mhrifysgol Aberystwyth, bydd rhaid i chi gofrestru. Os byddwch angen help i gwblhau'r dasg o Gofrestru Ar-lein neu os oes gennych ymholiadau eraill, gallwch fynd i'r Parth Cofrestru yn ystod yr Wythnos Groeso:

Dydd Llun 23 Medi - Dydd Mercher 25 Medi
09:00-17:00 | Llyfrgell Hugh Owen

5 Ymweld â Ffair y Glas

Trefnir Ffair y Glas gan Undeb Aberystwyth (Undeb y Myfyrwyr) ac mae'n cyflwyno popeth sydd gan fywyd myfyriwr i'w gynnig. Bob dydd bydd cymysgedd o wahanol fusnesau, clybiau chwaraeon, cymdeithasau a sefydliadau lleol yn bresennol.

Dysgu mwy:



6 Archwilio'r Campws

Rydyn ni bob amser yn argymhell bod myfyrwyr newydd yn neilltuo peth amser i ddod i adnabod ein campws hyfryd a thu hwnt. Cewch weld pa gyfleusterau sydd gennym y gallwch fanteisio arnynt - o'n hardaloedd astudio gwyh, caffis a mannau gwyrdd i'n cromen chwaraeon newydd a chymaint mwy.

Ein Map Ar-lein:



7 Cwblhau'r Hyfforddiant Caniatâd Ar-lein

Mae Aberystwyth yn brifysgol ddiogel, deg a chynhwysol. Rydym wedi ymrwymo i wneud ein campws yn lle mwy diogel yn barhaus, gan ddangos 'dim goddefgarwch' tuag at aflonyddu, unrhyw droseddau casineb, cam-drin ac ymddygiad gwylidydd. Drwy ddysgu mwy am gydsynio a chwblhau'r hyfforddiant, helpwch ni i gadw Aberystwyth yn ddiogel.

Cwblhewch yr hyfforddiant:



8 Cofrestru gyda Meddyg

Pan fyddwch yn cyrraedd Aberystwyth rydym yn argymhell eich bod yn cofrestru gyda meddyg teulu yn lleol. Rydym am sicrhau bod cymorth a chyngor ar gael i'ch helpu i gofrestru gyda meddyg teulu.

Cofrestrwch yma:



Os oes angen help arnoch unrhyw bryd yn ystod eich cyfnod Cyrraedd Aber

Bydd staff wrth law drwy'r cyfnod cyrraedd ac mae gennym restr o gysylltiadau allweddol yn ein rhestr wirio fanwl.

Eich Campws

Eich Llyfrgelloedd

Ar draws ein campws ac yng nghanol tref Aberystwyth, mae nifer o leoedd astudio gan gynnwys dwy lyfrgell prifysgol, sy'n berffaith ar gyfer astudio mewn grŵp ac yn unigol. Ar draws pob man astudio mae myfyrwyr yn gallu defnyddio cyfrifiaduron, gwasanaethau llungopïo ac argraffu. Yn ogystal, mae holl fyfyrwyr Aberystwyth yn derbyn pecyn Microsoft Office am ddim y gellir ei lawrlwytho ar ddyfeisiau personol.

Dysgwch fwy am ein gwasanaethau, cyfleusterau ac adnoddau llyfrgell:



Eich Llety

Mae symud i'ch llety yn gyfnod cyffrous - fodd bynnag mae'n gallu teimlo ychydig yn frawychus. Gallwn helpu'r broses hon drwy roi gwybodaeth ymarferol i chi am eich preswylfeydd.

Mae llawer o wybodaeth ar gael ar dudalennau gwe Bywyd Preswyl ynghylch amryw o feysydd y mae angen i chi wybod amdanynt fel glanhau ac archwiliadau, cyfleusterau golchi dillad, post, parcio, gwastraff ac ailgylchu, a sut i storio beiciau yn ddiogel a llawer mwy.



Eich Cyfleusterau Chwaraeon

Rydym yn cynnig ystod eang o gyfleusterau chwaraeon ar y campws gan ganolbwyntio ar sicrhau bod pob myfyriwr ac aelod o staff yn cael cyfle i gymryd rhan, waeth beth fo'u gallu neu eu diddordeb. P'un a ydych am roi cynnig ar rywbeth newydd neu'n ymroddedig i'ch dewis o weithgaredd, mae gan Gampws Penglais bopeth, o bwl nofio a champfa i gae 3G gyda llifoleuadau, cyrtiau sboncen a hyd yn oed sawna Nordig.

Mae ein campfa newydd sbon yn cynnig 130 o orsafoedd hyfforddi, gan gynnwys beiciau, peiriannau rhwyfo a melinau traed. Gall defnyddwyr fonitro eu cynnydd ar sgriniau digidol sy'n cael eu pweru mewn llawer o achosion gan yr egni y maent yn ei gynhyrchu wrth iddynt hyfforddi.



Eich Canolfan Gelfyddydol

Canolfan y Celfyddydau yw ein canolfan arbrynnu ar y campws. Dyma'r lle delfrydol i weld sioe neu ffilm, mwynhau danteithion a chymdeithasu â ffrindiau. Mae rhywbeth yma at ddant pawb, o sioe 'West End' neu sioeau bale ar daith i'r ffilmiau diweddaraf, ffilmiau arbenigol, amrywiaeth o wyliau, neu rai o enwau mwyaf y byd comedi.

Mae Canolfan y Celfyddydau yn cynnal perfformiadau gan y prif gwmnïau teithiol cenedlaethol a rhyngwladol, yn ogystal â'i gynrychiadau ei hun. Cynhelir y perfformiadau yn neuadd gyngerdd yr Ganolfan, sydd â seddi i 1,200, neu yn y theatr 300 sedd ac yn y stiwdio gartrefol, a cheir rhaglen brysor o ddangosiadau ffilm yn y sinema sydd â 120 o seddi.



Eich Undeb Aberystwyth

(Undeb y Myfyrwyr)

Mae Undeb Aberystwyth (Undeb y Myfyrwyr) eisiau i fyfyrwyr Aber garu bywyd myfyrwyr, ac mae'n gweithio i sicrhau bod myfyrwyr Aber yn hapus, yn iach a grymus, a bod ganddynt gyfeillion oes a dyfodol addawol.

Mae pob myfyriwr ym Mhrifysgol Aberystwyth yn aelod awtomatig o Undeb Aberystwyth, ac mae bod yn aelod yn dod â manteision mawr i'ch helpu drwy eich cyfnod yn y Brifysgol; p'un a ydych am ymuno â chlwb chwaraeon neu gymdeithas (mae gennym dros 100), eisiau gwirfoddoli neu gynrychioli myfyrwyr eraill yn academiaidd neu fel arall, neu am gael cyngor annibynnol, yna rydyn ni yma ar eich cyfer chi!

Edrychwch ar wefan am fwy o wybodaeth ac am restr lawn o ddigwyddiadau:



Eich Caffis a'ch Bwytai ar y Campws

Mae ein caffis a'n bwytai yn ymfalchïo yn y ffaith eu bod yn sicrhau darpariaeth ar gyfer pob alergen a gofynion dietegol. Felly, rydym yn ceisio gwneud yn siŵr bod digon o amrywiaeth a chysondeb o ran opsiynau bwyd ledled ein safleoedd ar draws y campws.

Gallwch nawr fanteisio ar ein cynnig prydau hyblyg arbennig 'Bwytwch gyda ni, siopwch gyda ni', hyd yn oed os ydych yn byw mewn llety hunanarlwygo neu dŷ preifat yn y dref!

Gallwch fwyta beth yr hoffech, pryd bynnag yr hoffech ac o ble bynnag yr hoffech, o brydau poeth i fwyd a diod Starbucks wrth fynd neu brynu cynhwysion i goginio eich hun.





1 Ymgartrefu Aber Aber Belong

Dyma eich Lle i Fyw Bywyd Aber!

Gydag Ymgartrefu Aber cewch gyfle i wneud ffrindiau, i deimlo'n gartrefol ac i ymgyswgu â'r campws.

Cynllunio Ymgartrefu

Defnyddiwch y Cynllunio Ymgartrefu newydd i'ch helpu i lywio'r digwyddiadau sy'n benodol i chi yn ystod yr Wythnos Groesawu 2024, a'r wythnosau cyntaf yn y Brifysgol.

Dysgwch am yr holl weithgareddau adrannol sydd wedi eu trefnu ar eich cyfer, yn ogystal â'r cyfleoedd allgyrsiol yn Aber. I wneud y gorau o'ch profiadau cyntaf yn y Brifysgol, cwrdd â phobl newydd neu gael hwyl defnyddiwch y Cynllunio Ymgartrefu i weld pa ddigwyddiadau sy'n digwydd.



2 Astudio Aber Aber Study

Dyma'ch Lle i Ddysgu ac i Ddatblygu!

Gyda Astudio Aber, cewch ddatblygu arferion da wrth astudio, ac i ymgyswgu â gwasanaethau'r llyfrgell.

Ein Llyfrgelloedd a Mannau Astudio

Llyfrgell Hugh Owen yw prif Lyfrgell y Brifysgol a chanolfan weinyddol y Gwasanaethau Gwybodaeth. Wedi'i leoli ar gampws Penglais, mae'n darparu lle i astudio, p'un a ydych yn dymuno astudio'n dawel ar eich pen eich hun neu gydag eraill. Darperir amrywiaeth o gyfleusterau i'ch helpu gyda'ch astudiaethau ac ar gyfer ymlacio yn dawel.

Mae Llyfrgell y Gwyddorau Ffisegol hefyd wedi'i lleoli ar brif gampws Penglais ac mae'n gartref i'r casgliadau Cyfrifiadureg, Mathemateg a Ffiseg, yn ogystal â digon o leoedd astudio.

Gallwch ddod i mewn i'n llyfrgelloedd a'n manau astudio gyda'ch Cerdyn Aber. Mae amrywiaeth o fannau astudio tawel, unigol a grŵp ar gael yn Ystafell Iris de Freitas ac ar Lefel D a Lefel E ac F yn llyfrgell Hugh Owen.

Deunyddiau Astudio

Chwiliwch a dod o hyd i adnoddau electronig, llyfrau, cyfnodolion, papurau newydd a llawer mwy gan ddefnyddio Primo, sef catalog ein llyfrgell. Gallwch chwilio am bopeth sydd gan y llyfrgell i'w gynnig o un blwch chwilio. Ychwanegwch eitemau at eich ffefrynau, defnyddiwch Primo oddi ar y campws, gofynnwch am eitemau, defnyddiwch eich rhestr ddarllen i ddod o hyd i lyfrau a llawer mwy.



Cymorth a Chefnogaeth Astudio

Gall Llyfrgellwyr Pwnc roi hyfforddiant i fyfyrwyr a staff ynglŷn â sgiliau gwybodaeth yn ogystal â chymorth pwnc trwyadl, ac maent yn cysylltu ag adrannau academiaidd ynglŷn â'u hanghenion llyfrgell a gwybodaeth a'u defnydd o Restrâu Darllen Aspire.

Gallwch anfon e-bost, ffonio neu drefnu apwyntiad gyda'ch Llyfrgellydd Pwnc i gael cymorth a chynghor ar ddefnyddio'r llyfrgelloedd, dod o hyd i ddeunyddiau ar gyfer aseiniadau, cyfeirnodau a mwy!



3 Cefnogaeth a Lles Aber Aber Support and Wellbeing

Dyma'ch lle i Ffynnu a Chael Cefnogaeth!

Bwriad Cymorth a Lles Aber yw eich galluogi i ffynnu a theimlo eich bod yn cael cefnogaeth y gwasanaethau sydd gennym ar eich cyfer. Mae cymorth ar gael pan fydd ei angen arnoch.

Gwasanaethau i Fyfyrrwyr

Mae'r Gwasanaethau i Fyfyrrwyr yma i'ch helpu i fanteisio i'r eithaf ar eich amser ym Mhrifysgol Aberystwyth a gwneud y mwyaf o'ch cyfleoedd ar ôl graddio. Gan weithio ar y cyd ar draws y Brifysgol a chyda gwasanaethau allanol, rydym yn cynnig amrywiaeth o gymorth ac adnoddau i bob myfyriwr, ni waeth pa heriau y gallech eu hwynebu.

Mae ein timau cyfeillgar ar gael drwy gydol y flwyddyn, o ddydd Llun i ddydd Gwener, i roi cymorth a chynghor ar ystod eang o bynciau, gan gynnwys gofynion hygrychedd, anghenion lles, cynghor ariannol, cymorth fisa ac arweiniad o ran gyrfa.



Y Gwasanaethau Hygrychedd

Nod y Gwasanaethau i Fyfyrrwyr yw rhoi profiad o'r ansawdd uchaf i'n holl fyfyrwyr a sicrhau bod pob myfyriwr sy'n cyflawni ein gofynion mynediad yn gallu manteisio ar ein cyfleusterau academiaidd. I bob myfyriwr anabl, y rhai sydd â chyflyrau iechyd corfforol/meddwl hirsefydlog neu sydd â gwahaniaeth dysgu penodol, anelwn at gynnig cwrwclwm cynhwysol sy'n agored i bawb, llety wedi'i addasu, a mynediad i ardaloedd dysgu lle ceir cyfrifiaduron, caledwedd arbennig, a mynediad i feddalwedd a gliniaduron ychwanegol. Gallwn roi cynghor i chi ar drefniadau arholi unigol a thechnoleg galluogi fel y gallwch gyflawni eich potensial i'r eithaf a chael y canlyniadau da yr ydych yn eu haeddu.

Y Gwasanaeth Cynghor ac Arian

Mae'r Gwasanaeth Cynghor ac Arian yn rhoi gwybodaeth a chymorth ar bynciau megis rheoli arian, materion cyllid myfyrrwyr a chaledi. Gallwn roi gwybodaeth i chi am reolau a rheoliadau'r Brifysgol, gan gynnwys rheoliadau academiaidd neu reoliadau o ran aflonyddu. Gallwn eich cynghori ar dynnu'n ôl neu newid cwrs a'ch cynghori ynghylch beth i'w wneud os bydd amgylchiadau annisgwyl yn effeithio ar eich astudiaethau. Os nad ydych yn sicr i ble i droi er mwyn cael cynghor neu gymorth cofiwch gysylltu â ni.

Y Gwasanaeth Lles

Mae Gwasanaeth Lles y Myfyrrwyr yn deall pwysigrwydd cynnal iechyd a lles er mwyn i fyfyrwyr ffynnu yn ystod eu cyfnod yma ym Mhrifysgol Aberystwyth ac ar ôl hynny. Rydym yma i gynorthwyo unrhyw fyfyrwr gydag unrhyw fater lles, boed yn fater sy'n ymwneud â chyfeillgarwch, profedigaeth, gorbryder, neu faich gwaith, a phroblemau iechyd meddwl ysgafn i gymedrol neu ddifrifol a pharhaus.



Gwasanaeth Cymorth o ran Aflonyddu a Chamymddwyn: Atal a Chefnogaeth

Mae Prifysgol Aberystwyth wedi ymrwmo i hyrwyddo amgylchedd campws diogel a chefnogol i bob aelod o'n cymuned. P'un a ydych wedi profi aflonyddu rhywiol neu drais rhywiol eich hun, neu os ydych yn rhoi cefnogaeth i rywun sydd wedi, rydym yn cynnig opsiynau cymorth, opsiynau hysbysu, a ble i fynd am gynghor pellach:



4 Ieithoedd a Gyrfaedd Aber Aber Languages and Careers

Dyma'ch Lle am Brofiadau o'r Byd Go iawn!

Mae ieithoedd a Gyrfaedd Aber yn ymwneud a'ch proses chi o dyfu y tu hwnt i ffiniau. Tra byddwch yma yn Aber, cewch wybodaeth am ieithoedd y gallwch eu dysgu, am gyfleoedd ymarferol i wella eich cyflogadwyedd a chyfleoedd yn y byd go iawn.

Dysgu Gydol Oes

Sefwch ar wahân i'r rhelyw gyda'n Hatgyfnerthwyr Graddau rhad ac am ddim.

Ochr yn ochr â'ch rhaglen radd, gallwch ddilyn un cwrs byr y tymor, yn rhad ac am ddim, mewn ystod eang o bynciau gan gynnwys: Ieithoedd, Datblygiad Proffesiynol, Ecoleg, Celf a Dylunio, Ysgrifennu Creadigol, Archaeoleg, Achyddiaeth, Hanes, Darlunio Hanes Naturiol.

Astudwch gyrsiau sy'n atgyfnerthu eich gradd, dilynwch bwnc rydych chi'n angerddol amdano, gweithiwch tuag at gymhwyster neu'n syml rhwch gynnig ar rywbeth newydd a dysgu am hwy!



Gwasanaeth Gyrfaedd

Mae'r Gwasanaeth Gyrfaedd yn darparu gwasanaeth rhagorol a chefnogol sy'n rhoi myfyrwyr a graddedigion mewn sefyllfa i wireddu eu gobeithion, gwneud dewisiadau bywyd yn wybodus, a chyflawni eu potensial. Mae'r Gwasanaeth Gyrfaedd yma i'ch helpu i ddeall sut y gallwch wneud eich gradd prifysgol, a'r holl brofiadau sydd ar gael i chi tra byddwch yn y Brifysgol, gyfrif tuag at eich gyrfa yn y dyfodol.



Yr Iaith Gymraeg

Oeddech chi'n gwybod mai'r Gymraeg yw un o'r ieithoedd sy'n tyfu gyflymaf yn y DU, yn ôl Duolingo? Mae Prifysgol Aberystwyth yn sefydliad dwyieithog lle defnyddir y Gymraeg yn rheolaidd wrth ddysgu ac yn ei gweinyddiaeth. Rydym yn gweithredu polisi dwyieithog i sicrhau nad yw'r Gymraeg yn cael ei thrin yn llai ffafriol na'r Saesneg. Yn ystod eich amser yn Aberystwyth, efallai yr hoffech ddysgu rhywfaint o Gymraeg. Mae digon o gyfleoedd i wneud hynny yma yn y Brifysgol. Os ydych o dan 25 oed, gallwch gofrestru ar gwrs Gymraeg am ddim.



5 Amgylchedd a Chynaliadwyedd Aber Aber Environment and Sustainability

Dyma'ch Lle i Wneud Gwahaniaeth!


Mae Amgylchedd a Chynaliadwyedd Aber yn gyfle i ddod â'r gwaith cynaliadwyedd amrywiol a helaeth rydym yn ymwneud ag ef at ei gilydd. Gallwch gymryd rhan a dathlu ein prosiectau a'n mentrau cynaliadwyedd o feysydd megis bioamrywiaeth i drafnidiaeth.

Ar y Llwybr Tuag at Sero Net

Yn Aberystwyth, rydym yn arwain y sector gyda'n huchelgais i ddod yn gampws carbon niwtral erbyn 2030. Ers 2020, rydym wedi buddsoddi dros £6M mewn mesurau effeithlonrwydd ynni megis goleuadau LED a £3.3M mewn prosiectau ynni adnewyddadwy. Rydym hefyd yn bwriadu plannu dros 90,000 o goed erbyn 2025, ac 16,000 wedi'u plannu eisoes.

Cadwch lygad ar ein tudalennau ymgysylltu â myfyrwyr ar gyfer ein digwyddiadau sydd ar ddod.





6 Sgiliau Aber Aber Skills

Dyma'ch Lle i Fod yn Fedrus yn Ddigidol!

Bwriad Sgiliau Aber yw eich helpu i ehangu, trin a thrafod a gwella eich sgiliau digidol fel myfyriwr yma yn Aber! Dysgwch gyda ni am yr adnodd darganfod digidol, sut y gellir defnyddio deallusrwydd artifisial er eich lles eich hun, i hyd yn oed greu eich cyfrif LinkedIn eich hun.

Porth SgiliauAber

Platfform dwyieithog canolog yw SgiliauAber sy'n darparu ystod gynhwysfawr o arweiniad, cyngor, adnoddau a chefnogaeth sgiliau i gyd mewn un lle. P'un a ydych chi'n chwilio am gymorth i ysgrifennu aseiniadau, mireinio galluoedd mathemategol ac ystadegol, neu gymryd rhan mewn gweithdai sy'n canolbwyntio ar arferion academiaidd da a datblygu sgiliau, mae SgiliauAber yn cynnig lle hawdd ei ddefnyddio i chi fel myfyriwr Aber ddatblygu a gwella agweddau amrywiol ar eich set o sgiliau.



7 Cymuned a Diwylliant Aber Aber Community and Culture

Dyma'ch Lle i Archwilio!

Mae Cymuned a Diwylliant Aber yn ymwneud â dod i adnabod ein cymuned a'ch cartref newydd. Rydym am ddangos i chi nad ydych chi byth yn bell i ffwrdd o brofiad diwylliannol cyfoethog yma yn Aber a'r cyffiniau. Yn ogystal a chynnig amgylchedd dysgu gwych rydym hefyd yn cynnig cymuned campws amrywiol a deniadol.

Archwilio ein campws a'r ardal gyfagos

Rydyn ni bob amser yn argymhell bod myfyrrwyr newydd yn neilltuo peth amser i ddod i adnabod ein campws hyfryd a thu hwnt. Cewch weld pa gyfleusterau sydd gennym y gallwch fanteisio arnynt - o'n hardaloedd astudio gwych, caffis a mannau gwyrdd i'n cromen chwaraeon newydd a chymaint mwy.

Ewch i ymweld â'r siopau bychain niferus yn nhref Aberystwyth a siopau'r stryd fawr, y caffis a'r tai bwyta - ewch i brofi'r atyniadau lleol, sef y Llyfrgell Genedlaethol, Rheilffordd y Graig, Craig Glais, y Prom a'r Bandstand, yr Hen Goleg, Adfeilion y Castell, yr Harbwr a mwy.

Mae'r fro o gwmpas Aberystwyth yn eithriadol o hardd hefyd. Rhwng mynyddoedd Cambria a glannau Bae Ceredigion, mae'n cynnig tirwedd o fryniau tonnog, dyffrynnoedd, traethau a môr. Ac nid yw parciau cenedlaethol enwog Eryri a Sir Benfro ymhell, ychwaith, yn gorwedd ychydig i'r gogledd ac i'r de o Aberystwyth, yn y drefn honno, a dylech ymweld â nhw hefyd pan gewch gyfle. Gyda dewis o dri traeth hyfryd: Traeth y Gogledd, Traeth y De a Thraeth Tan-y-Bwlch, does dim lle gwell i geisio gweld dolffiniaid. Neu yn yr haf, gallwch fwynhau gwyllo'r machlud bendigedig o flaen tân bach neu farbeciw.

Gofod Ffydd

Yn y Gofod Ffydd gall aelodau cymuned ein Prifysgol weddio, cwrdd ac ymlacio. Mae wedi'i leoli yng Nghanolfan y Celfyddydau, i'r dde o Gaffi Piazza. Gall myfyrrwyr a staff ddod i mewn o ochr yr adeilad, o'r piazza y tu allan i Ganolfan y Celfyddydau/Undeb y Myfyrrwyr.

Mae'r gofod ar agor 7 diwrnod yr wythnos. Rhwng 8yb a 5yp gall unrhyw aelod o'n cymuned ddod i mewn i'r gofod trwy roi eu Cerdyn Aber ar y darllynydd cerdyn SALTO.



Cysylltiadau Hanfodol

Llinell Gymorth 24/7 y Brifysgol

 01970 622900

Canolfan Chwaraeon

 chwaraeon@aber.ac.uk

 01970 622280

Cofrestrfa Academiaidd

 ugfstaff@aber.ac.uk

 pgsstaff@aber.ac.uk

 01970 622290

Desg Gymorth Gwasanaethau Gwybodaeth

 gg@aber.ac.uk

 01970 622400

Diogelwch Bob Awr o'r Dydd

 ssestaff@aber.ac.uk

 01970 622649

Gofod Ffydd

 cydraddoldeb@aber.ac.uk

 01970 628424

Gwasanaethau Cymorth a Lles Myfyrwyr

 cynghorydd-myfyrwyr@aber.ac.uk

 01970 621761 neu 01970 622087

Llety

 llety@aber.ac.uk

 01970 622984

Undeb Aberystwyth

 undeb@aber.ac.uk

 01970 621700